



20. aggusti 2020

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Siunnersuut Inatsisartut aalajangiiffissaatut siunnersuutigienqartoq, Naalackersuisut peqquneqassasut periarfissanik misissueqqullugit Peqqinnissaqarfimmi misileraammik aallartisisinnaaneq pillugu, napparsimasut kræft-ertut nappaammik suussusaannik oqarfigineqarsimasut nassuiaanneqarsimasullu nakorsanik allanik nalilersuiffigteqqissinnaanissaminnut, tassa second opinion. Second opinion – isuma alla – taamak pisinnaatitaaffeqarnerup ilagaa katsorsaatit atorneqarsinanaset Kalaallit Nunaanni aammalu Qallunaat Nunaanni pissarsiassanngitsut pisinnaatitaaffigilersinnaassaannut misissuunneranissaat, nunami allami katsorsarneqarsinnaanermik misissuiffigienqarsinnaalerlutik. Suliamik taamak ittumik piviusunngortitsisinnaanerup misissuiffigisimanera qinnutigaarput saqqumiunneqarsinnaassasoq kingusinnerpaamik UPA2021-mi.

(Inatsisartunut ilaasortaqaq Tillie Martinussen, Suleqatigiissitsut)

Tungavilersuut:

Qallunaat Nunaanni kræftimik nappaateqartut nunami allami allaanerusumik katsorsarneqarsinnaanerminnut misileraasinnaatitaapput, peqqissutsikkullu forasikring-eqarnikkut, imal. nakorsap allannortinneratigit, nappaatigisap misissorteqqinnissaanut imal. katsornarneqarnerup allannortinnissaanut nakorsamik allamik suliarineqalersusami pisinnaatitaaffeqarput. Qallunaat Nunaanni Peeqqinnissaqarfiup tamanna taaguusersimavaa “secund opinion-ip pinissaanut pisinnaatitaaffik”, tassa isummap allap tusarfiginissaanut periarfissaq.

Suleriutsit tungaatuigut oqaluttuarissagaanni imaappoq nunagisami nakorsaatit atorneqanngitsut nunanili allani katsorsaatit atoreqartut atorlugit katsorsartissinnaanermut periarfissat immikkut ittunik ilisimasalinnik isummersoqatigiiffimmit nalilersorneqartarput, qinnuteqaatillu nakorsartittuniik nammineq nassiuunneqartarlutik.

Taamatutaaq suliami ilaasarpoq nakorsap allannortinnissaanut pisinnaatitaaffeqarnerup, sullinneqarnerup ingerlanera iluarinngikkaanni, immaqaluunniit nappaatigilersimasap suussusaata misissuiffigineqaqqinnissaanut, arlaatigulluunniit nappaatigilersimasap pitsaanerusumik toqqissisimanarnerusumillu suliarineqarsinnaaneranut periarfissaq.

Periarfissat tamakku Nunatsinni innuttaasut periarfissarinngilaat, napparsimasullu amerlapput nunatsinniik aatsaat nooqaarlutik ikiorsinneqarsinnaalertussatut oqarfigineqartartut, sullinneqarnertik toqqissisimanarinngikkunikku imal. nakorsarneqarnertik nappaatimillu suussusaata misissuiffigineqarnerat ajorsorigunikku.

Suleqatigiissitsisuni isumaqanngilagut napparsimasut taamatut atugaqartitaajuartariaqartut, isumaqarpugullu peqqinnissaqarfisinni aaqqissuussaanerup periarfissallu iluaniittut nutaamik eqqarsartaaseqarfigilertariaqarivut.

Suliap taamak ittup suliarinissaanut Peqqissutsimut Ataatsimiitsitaliarsuup peqqinnissaqarfiup misissuineranut ilanngussinnaasoq – immaqaluunniit suliani maanna pioreersunut peqqinnissaqarfinni ingerlanneqartunut ilanngunneqarnissaanut – Naalackersuisullu suliap taassuma aallartinissaa siunertaqarluarsorigunikku pisinnaatitaaffeqarput suliamik taamak ittumik aallartisisinnaanissamikkut.

Ilisimaaraarput nunatsinni peqqinnissaqarfik nakorsassaaleqisoq, taamaakkalaurtorli isumaqarpugut taamatut misileraalluni aallartinnerup suliarinissaa piviusunngortinnissaalu soqutiginarluinnartuusut, napparsimasut sullinneqarnissaat toqqissisimanarnerusooq qaffaavigisinnaagatsigu.

Kissaatigigaarput misissuinerup uuma inatsisitigit, suliaassartaasigit, allaffissornissaatigit kiisalu aningaasartuutaanissaanut periarfissat misileraanermik taamak ittumi suliaqarniarnermi qanoq

timaliiniarnermi aqutissaqartiginersugut, immaqaluunniit maani nunami toqqaannartumik atuutsilersinnaanissaanut periarfissaqarnerluta.

Suleqatigiissitsisunit pingaartipparput misissuinerup ingerlanerani periarfissat taamak ittut ammaassiffiginarnerani kræftimik nappaateqarnermut immikkut ittumik ilisimasallit ilanngunneqassasut, Nunat Avannarliit tamakkerlugit suleqatiserinerisigut aammalumi Naalagaaffeqatigiinnerup iluani suleqatigiiffissatut, paasiniarneqassasorlu allaffissornikkut aningaasartuutiginnissaanullu periarfissat qanoq innersut suliassap uuma piviusunngortinniarnissaanut, qanorlu annertuumik aningaasartuutigerulunnissaa pinaveersaartinneqarsinnaanersoq misissorneqassalluni.

Taamaalilluta periarfissaqarfigilissavarput katsorsaanerit iluatsittut amerlilerneqarnissaat, kiisalu peqqissagassat toqqissisimanerulernissaat pitsannguuteqarfigisinnaallugu.

Nunatsinni kræftimik nappaateqalersartut amerlaqaat, Suleqatigiissitsisunilu isumaqarpugut una siunnersuut napparsimasunut kræfteqartunut katsorsaariaatsinut pioreersunut qanoq iluaqutaasinnaalluortoq.

Taamak oqaaseqarluta Inatsisartunut siunnersut suliassanngortipparput.

Aningaasarsiornikkut allaffissornikkullu namminersorlutik inuutissarsiortunut kingunissai.

Ukiumik ataatsimik sivisussuseqartup A/C fuldmægtig-ip atorfianit ataatsimik suliarineqarsinnaasoq, ukiumut , kr. 500.000.

Aningaasarsiornikkut allaffissornikkullu namminersorlutik inuutissarsiortunut kingunissai.

Soqanngilaq.

Aningaasatigut allaffissornikkullu innuttaasunut kingunissai.

Soqanngilaq